

**1261-1261- OFP - Acta Capitulum Generalium apud Barchinonam Celebrati**

In nomine patris et filii et spiritus sancti. Amen.

Acta capituli generalis apud Barchinonam  
celebrati anno Domini · M° · CC° · LXI° ·

**Confirmamus** has constitutiones. In capitulo de visitatoribus. ubi dicitur. in capitulo provinciali predicto modo eligantur. deleatur. predicto modo. et dicatur sic. secundum formam diffinitorum capituli provincialis positam eligantur. Et hec habet · iii · capitula.

Item hanc. In capitulo de suffragiis. ubi dicitur. a festo sancti Dyonisii usque ad adventum. pro anniversario fratrum. addatur. et familiarium. et benefactorum receptorum per literas ad beneficia ordinis. Et hec habet · iii · capitula.

Item hanc. In capitulo de electione prioris conventualis. post illud. ubi dicitur. admittantur ad electionem predictam. addatur. electio autem tam priorum provincialium. quam conventualium. ad illos tantum pertineat electores; qui personaliter presentes in electione extiterint. sicut fit in electione magistri. Et hec habet · iii · capitula.

**Approbamus** has. In capitulo de silencio. post illud. sive etiam magistri ordinis. addatur. et ministri generalis minorum. Et hec habet · ii · capitula.

Item hanc. In capitulo de levi culpa. ubi dicitur. et ad gradus altaris non satisfecerit. deleatur totum hoc. Et hec habet · ii · capitula.

Item hanc. In eodem capitulo. ubi dicitur. magistri in docendo. deleatur. magistri. et dicatur. doctores. Et hec habet · ii · capitula.

Item hanc. In capitulo de gravissima culpa. ubi dicitur. de nostra societate prohiciatur. deleatur totum quod sequitur usque ibi. hic quidem habitu exutus. etc. Et hec habet · ii · capitula.

Item hanc. In capitulo de apostatis. ubi dicitur in principio. quicumque apostataverit. deleatur quod sequitur. si infra · xla · dies non redierit; excommunicabitur. et dicatur sic. quicumque apostataverit; ipso facto sit excommunicatus. quam sententiam ex nunc ferimus presenti statuto. Et hec habet · ii · capitula.

Item hanc. In eodem capitulo. ubi dicitur. non predicet. nec audiat confessiones. addatur. nec ad aliquam electionem ordinis. nec ad aliquem tractatum eorum que mittenda sunt ad generale vel provinciale capitulum admittatur. nisi per diffinitores. etc. Et hec habet · ii · capitula.

Item hanc. In capitulo de domibus concedendis. post illud. nisi in die dedicacionis ecclesie. addatur. et tunc liceat eis ingredi chorum et claustrum. Et hec habet · ii · capitula.

Item hanc. In capitulo de electione prioris conventualis. post illud. si vero mortuo priore vel amoto. addatur. vel absente. et infra. ubi dicitur. et domus supprioris caruerit. addatur. et vicario. tres fratres. etc. et infra. ubi dicitur. vel prior provincialis. addatur. vel conventualis; aliter ordinaverit. Et hec habet · ii · capitula.

Item hanc. In capitulo de electione prioris provincialis. post illud. hoc excepto quod eos includi. etc. Et hec habet · ii · capitula.

Item hanc. In capitulo de capitulo provinciali. post illud. si priorem provincialem abesse contigerit. nec vicem suam alicui commiserit. addatur. vel ille cui commisit. aliquo casu absens fuerit. prior illius loci. etc. Et hec habet · ii · capitula.

Item hanc. In eodem capitulo. post illud. alias enim sententia plurium prevalebit. addatur. si vero tractatus de aliquo ipsorum fuerit. et · iiiior · reliqui inter se discrepantes in partes dividantur equales. advocent unum priorem presentem de capitulo. alium a diffinitoribus. qui prius habitum nostri ordinis susceperit. et cui parti ille consenserit. Et hec habet · ii · capitula.

Item hanc. In capitulo de sollempni celebratione capituli. ubi dicitur. in fine fiat communis confessio. perseverantibus benedictio et absolutio. deleatur totum quod sequitur usque. et habet eandem formam. etc. Et hec habet · ii · capitula.

Item hanc. In capitulo de capitulo generalissimo. ubi dicitur. vel magistro. addatur. vel magistro cum media parte provincialium visum fuerit expedire. provincie autem. etc. Et hec habet · ii · capitula.

Item hanc. In capitulo de capitulo generali. post illud. si per adiunctionem magistri partes fiant equales. unus eligatur. addatur. a diffinitoribus secundum quod in electione. etc. Et hec habet · ii · capitula.

Item hanc. In capitulo de studentibus. post illud. circa illos voluerit magister ordinis. vel capitulum generale. addatur. vel prior provincialis aliter dispensare. etc. Et hec habet · ii · capitula.

Item hanc. In calendario in crastino Basilidis. Cirini. et Naboris. scilicet ydibus iunii. scribatur sic. Anthonii confessoris · iii · lect. et in martirologio. eodem die. in fine addatur sic.

Item eodem die; beati Anthonii confessoris de ordine fratrum minorum · iii · lect. Et hec habet · ii · capitula.

Item hanc. In capitulo de studentibus quod dicitur. quod vel questiones proponendas. addatur. vel collaciones faciendas. Et hec habet · ii · capitula.

Item hanc. In capitulo de predicatoribus. post illud quod dicitur. omnis qui ad iam dictum predicacionis officium. usque ad illud. placitis et causis. etc. deleatur totum. Et hec habet · ii · capitula.

Item hanc. In capitulo de visitoribus. in principio. post illud verbum. eligantur. addatur. nisi priori provinciali et diffinitoribus velint committere. Et hec habet · ii · capitula.

**Inchoamus** has. In capitulo de electione prioris provincialis. in principio. ubi dicitur. statuimus ut mortuo priore provinciali vel amoto etc. usque ad illum locum. et sic deinceps. donec prior eiusdem provincie sit electus et confirmatus. addatur. vel magister ordinis aliter in predictis casibus ordinaverit.

Item hanc. In capitulo de apostatis. ubi dicitur. per-acta penitencia. ad priorem locum non redeat. deleatur hoc. ad priorem locum non redeat. et dicatur sic. per-acta penitencia. ultra primum locum gradus ordinis sui. sedem non habeat. nisi per diffinitores etc.

Item hanc. In capitulo de domibus concedendis. ubi dicitur. super chorum et sacristiam. etc. addatur. nec fiant in domibus nostris superfluitates et curiositates notabiles in sculpturis. et picturis. et pavementis. et aliis similibus que paupertatem nostram deformant.

Item hanc. In capitulo de noviciis. ubi dicitur. similiter omnes fratres singulis annis semel. omnia. etc. usque ad illum locum. eorum dispositioni relinquendo. addatur. quicumque frater pecuniam. vel alia quecumque receperit. vel habuerit. vel expenderit. vel dispensaverit. vel dispensari fecerit; reddat singulis annis. suis maioribus rationem. semel. vel pluries. si fuerit requisitus. videlicet magister ordinis; diffinitoribus capituli generalis. prior provincialis; diffinitoribus capituli provincialis. prior conventualis; priori provinciali. vel visitori. ceteri fratres; priori conventuali.

Item hanc. In capitulo de domibus concedendis. in principio ubi dicitur. nec concessa ponatur. addatur. nec posita transferatur. nisi ubi predicti. etc.

Item hanc. In capitulo de electione prioris provincialis. post illud. includi sicut in electione magistri; non oportet. addatur sic. si vero congregato provinciali capitulo. casu aliquo contingente. provincia priore provinciali caruerit; ad ipsum provinciale capitulum; predicta electio pertinebit.

Item hanc. In capitulo de capitulo generalissimo. ubi dicitur. convenerunt priores provinciales una cum fratre Iordane. etc. mutetur in hunc modum. cum venerabili patre beate memorie fratre Iordane. etc.

Item hanc. In capitulo de capitulo provinciali. in fine ubi dicitur. item priores provinciales. etc. provinciam suam. etc. deleatur totum usque ad finem. et dicatur sic. priores provinciales annis singulis visitent totam suam provinciam per se vel per suos vicarios ad hoc de consilio diffinitorum provincialis capituli assignatos.

Iste sunt **admoniciones**.

Cum fratres pluries fuerint admoniti. ne inductiones faciant in electionibus nostris vel absolucionibus priorum; visitatores acrius puniant. quos in talibus invenerint excessisse.

Item. Caveant fratres confessores. ne in confessionibus inducant confitentes ad dandum aliquid sibi. vel ordini. unde possint probabiliter de cupiditate notari.

Item. Caveant fratres diffinitores provincialium capitulorum. ne sint faciles ad mutandum per suas diffinitiones. fratres de conventibus ad conventus nisi pro evidenti necessitate. vel utilitate. et caveant priores provinciales. ne instantibus electionibus priorum conventualium; fratres a suis conventibus amoveant.

Item. Iniungimus prioribus provincialibus et diffinitoribus provinciarum Hispanie. Romane provincie. Theutonie. Polonie. Ungarie. Dacie. quod ordinent. quod fratres iuniores et docibiles in logicalibus instruantur. In provincia vero Theutonie instituant duo vel tria studia huiusmodi in conventibus ydoneis ad predicta.

Item. Rogamus quod fratres dent operam ad iuvandum domum Parisiensem. quando poterunt<sup>1</sup>.

Item. Priores ubique faciant redigi capucia fratrum laycorum. que sunt nimis lata. ad formam secundum ordinem statutam. Item. Priores non sint faciles ad faciendum dispensaciones. nisi cum cause rationabiles hoc exposcunt.

Item. Nullus portet. vel mittat literas de beneficiis scriptas ad magistrum. que sigillentur. nisi de prima forma. que incipit. exigente. et finitur. si vester ibidem obitus fuerit nunciatus.

Item. Provincie que petunt domos a capitulo generali. nominent certa loca in quibus petant eas. et causas que movent eos ad domos huiusmodi faciendas.

Item. Priores provinciales. et diffinitores capitulorum provincialium provideant semper ne fiant superfluitates in conviviis in capitulis nostris. et ordinent certum diem antequam non veniant fratres provincie ad capitulum futurum. neque capitulum nimis prolongetur.

<sup>1</sup> Cui capitulo interfuerunt ff. Bonushomo, Florentius, Albertus Magnus, Thomas de Aquino, Petrus de Tarantasia, magistri theologie Parisiis, de quorum consilio infra (p. 99) edenda statuta de studiis ordinata sunt. Cf. DENIFLE Chartularium etc. p. 385 sq., n. 335 et notas appositas.

Item. Serventur admoniciones facte de studio. in capitulo generali Valencenensi celebrato. et si quid minus servatum fuerit apud aliquos. per visitatores provinciarum districtius corrigantur. et per eos nichilominus ad capitulum provinciale referatur.

Item. Volumus quod priores provinciales et diffinitores capitulorum provincialium ordinent. quod sic provideatur volentibus ingredi ordinem. qui sunt ydonei et pauperes. et ad suas provincias pertinentes. quod propter defectum vestium non repellantur.

**Absoluti** sunt priores provinciales Hispanie. Francie. Ungarie.

Ista sunt **suffragia**.

Pro domino papa. et statu tocius ecclesie. quilibet sacerdos · iii · missas. clericus pro missa · vii · psalmos. frater laycus · I · pater noster. etc.

Apud Oxoniam in Anglia assignamus studium pro provinciis. et volumus quod inde non possit removeri sine licencia capituli generalis.

Precipimus autem. in virtute obediencie. priori et fratribus illius conventus. tam presentibus quam futuris. quod studentes provinciarum ibidem recipiant. et caritative pertractent. nec occasione turbacionis que precessit. scienter inferant eis molestias. Quia vero ordinacio et iniunctio precedentis capituli circa hoc non fuit observata; a priore provinciali et diffinitoribus capituli provincialis eiusdem; absolvimus priorem provinciam Anglie. et assignamus eum provincie Theutonie. ut legat Colonie. vel alibi ubi videbitur priori provinciali expedire. nec volumus quod ad provinciam Anglie revocetur sine licencia capituli generalis. et iniungimus ei · vii · dies in pane et aqua. et · vii · disciplinas. et · vii · missas. Diffinitores vero qui non assenserunt ut fratres studentes aliarum provinciarum. reponerentur Oxonie. suspendimus usque ad · vii · annos ab officio diffinicionis. tam capituli provincialis. quam generalis. et si sint aliqui ex eis priores; ab-solvimus eos. et iniungimus cuilibet predictorum diffinitorum · xiii · dies in pane et aqua et · xiii · disciplinas.

Item. Omnibus fratribus qui dederunt aliquam operam. quod domus Gandensis. et Brugensis transferrentur ad aliam provinciam. preter formam ordinis; iniungimus · xiii · dies in pane et aqua. et · xiii · disciplinas. et totidem psalteria.

Eandem penitenciam iniungimus omnibus fratribus de Scotia. qui dederunt aliquam operam. quod per regem. vel per alios seculares scriberetur ad curiam domini pape. vel ad capitulum nostrum generale. pro negociis suis ad ordinem pertinentibus promovendis.

Item. Fratribus omnibus Civitatensis conventus in Lombardia. qui scienter dederunt operam. vel occasionem quod patriarcha Aquileiensis poneret aliquod impedimentum. ne fratres Betovienses partem dyocesis sue. concessam eis ab ordine. intrarent vel ibidem predicarent. vel questum facerent. vel confessiones audirent. sicut olim fecerunt. vel eciam quod ipse scriberet magistro. de pertinentibus ad ista; iniungimus · vii · dies in pane et aqua · vii · missas · vii · disciplinas. et iniungimus districte priori dicti conventus. quod ipse per se vel per fratres det fidelem operam quod quicquid super predictis ordinatum est per ordinem. vel ordinabitur; placeat domino patriarche.

Item. Fratri qui erat prior Barchinonensis. quando dormitorium fuit inceptum. et fratribus qui tunc temporis erant positi ad dandum consilium circa opera. ex quorum imprudencia seu negligencia. seu dissimulacione factum est. quod predictum dormitorium altitudinem ab ordine taxatam; notabiliter excedit; iniungimus · xiii · dies in pane et aqua et totidem disciplinas. et districte iniungimus. quod domus que sunt adhuc faciende ibidem. non fiant alciores quam in constitutionibus est taxatum.

Item. Priori in conventu Coloniensi iniungimus districte. quod infra festum sancti Michaelis corrigat chorum suum secundum modum qui dictus fuit in capitulo Tolosano. sub pena magna si factum non fuerit in futuro generali capitulo imponenda.

**Concedimus**. quod possit fieri domus apud Traiectum superius in provincia Theutonie. in favorem illius provincie. que fuit gravata in translacione aliarum duarum domorum.

Item. Concedimus eidem provincie aliam domum apud Spiram.

Item. Provincie Polonie; · i · et provincie Francie unam. si capitulum provinciale proximo instans pecierit.

Fratrem Stephanum de Salanhac priorem Tholosanum assignamus ad visitandum Scociam et ad peragendum alia negocia in Anglia que magister ordinis ei duxerit imponenda.

Capitulum generale futurum assignamus apud Bononiam in provincia Lombardie.

Actis additae sunt litterae magistri ordinis; cf. app. n. XIII.